



साःगु भिंगु मरिचरिया नितिं लुमका दिसै !

लक्ष्मण गजाल /चिलिमि'  
प्रोप्राइटर

**लाखा छेँ**  
**LAKHA CHHEN**

सोहखुटे, वडा नं. १६, येँ, फोन नं.: ४५६०७५८

# कर्मचारी तहया वार्ता पुचः अस्वीकार्य राजनीतिक स्तरं हे समस्या ज्यंकेत माग

## • लहना संवाददाता

ताप्लेजुडया मुक्कुमलुड (पाथिभरा) य् दय्केत्यंगु केबुलकारयात कयाः जुयाच्चंगु विवाद ज्यंकेत गृह मन्त्रालयं दय्कूगु वार्ता समितिं समस्या समाधान याय्मफइगु लिच्चः आन्दोलन यानाच्चंगु पुचलं पिकाःगु दु। मुक्कुमलुडया समस्या राजनीतिक विषय जूगुलिं कर्मचारीपाखे मजुसैं राजनीतिक तहलं समिति दय्केमाःगु माग आन्दोलनरत पक्षं याःगु दु। लिसे उमिसं सरकार वार्ताया नितिं न्युनतम वातावरण तर्क मदय्कूगु द्वपं नं बिउगु दु।

संघीय सरकार वार्ताया नितिं याःगु पहलयात धाःसा आन्दोलन यानाच्चंगु पुचलं सकारात्मक कथं काःगु दु। किरात याक्थुम चुम्लुडया केन्द्रीय अध्यक्ष प्रेम एक्तेनं सरकारया कुतः सकारात्मक जूगु धासैं धयादिल, 'वार्ता समिति राजनीतिक लेबलं वयेमाःगु खः, छम्ह कर्मचारीया लेबलं वल, थुकिं समस्या ज्यंके फइमखु।

आन्दोलनरत पुचलं ताप्लेजुडय् ज्वपिं प्रदिप मादेश सहित स्वम्ह कार्यकर्ता त्वःतेमाःगु, केबुलकार



दय्केगु ज्या दिकेमाःगु माग याना वयाच्चंगु दु। तर थः कार्यकर्तातय्त मत्वःतुसैं वंगु आइतवाः ज्वपिं च्याम्ह कार्यकर्तातय्त तर्क म्याद थपया नितिं जिल्ला प्रशासन कार्यालय यंकूगुलिं वार्ताया वातावरण धाःसा दय्केगु ज्याय् सरकार हे पंगः थनाच्चंगु द्वपं नं

उमिसं बिउगु दु।

गृह मन्त्रालयं संघीय मामिला तथा सामान्य प्रशासन मन्त्रालय, संस्कृति पर्यटन तथा नागरिक उड्डयन मन्त्रालय व सहरी विकास मन्त्रालयया प्रतिनिधि दुथ्याःगु वार्ता समिति वंगु आइतवाः नीस्वंगु खः।

वंगु माघ १२ गते ताप्लेजु पाथिभरा क्षेत्रया बलुडाँडाय् प्रहरी व आन्दोलनकारी दथुइ ल्वापु जूगु खः। ल्वापुया इवल्य् प्रहरी गोली कय् कूगु खः। गोली कयाः आन्दोलन यानाच्चंगु न्याम्ह घाःपा जूगु खः। उक्तथं हे प्रहरीपाखे २१ म्ह घाःपा जूगु

खः।

प्रहरी गोली कय्कूगु घटना लिपा वंगु माघ १५ गते निसैं आन्दोलन पुचलं कोशीया गुंगू जिल्ला ताप्लेजुड, पाँचथर, इलाम, भुपा, मोरङ, सुनसरी, धनकुटा, संखुवासभा व तेह्रथुम जिल्लाय् यातायात बन्द यानाः आन्दोलन याना वयाच्चंगु खः।

थ्वहे इवल्य् वंगु आइतवाः भुपाया दमकय् प्रहरी व आन्दोलनकारी दथुइ भडप जूगु खः। उगु भडप जूगु इलय् प्रहरी टियर ग्यास कय्कूगु खःसा च्याम्हेसित ज्वंगु खः। उक्तथं हे धरानय् आन्दोलन यानाच्चंगु पहिचानवादी कार्यकर्तातय्त प्रहरी ज्वंगु खः। धरानय् प्रहरी प्यम्ह पहिचानवादी कार्यकर्ता ज्वंगु खः।

थ्वहे इवल्य् पहिचानवादीतय्सं केबुलकार कम्पनीया मालिक लिसे स्वापू दुगु ग्लोबल आईएमई बैंकया गुंगू जिल्लाय् च्वंगु शाखा कार्यालय बन्द याकेगु ख्याच्चः बिउगु दुसा थीथी थासय् च्वंगु बैंकया एकाउन्ट बन्द याय्गु अभियान नं न्ह्याकूगु खः। बैंकया अध्यक्ष चन्द्र ढकाल खःसा केबुलकार ल्यं ७ पेजय्

## लुम्बिनी न्यासःम्ह भिक्षु याइगु



लहना वाःपौ/थ्वहे वइगु फागुन २० गते लुम्बिनी छक्कलं न्यासःम्हेसित भिक्षु (अल्पकालीन प्रवज्यां याय्क्यंगु दु। अखिल नेपाल भिक्षु महासंघ, थाई इण्डिया-नेपाल धर्मदूत व नेपाल थाईल्याण्ड धम्मकाय फाउण्डेशनया ग्वाहाली अल्पकालीन प्रवज्या ज्याइवः याय्क्यंगु खः।

थाई राजकीय विहार सहआयोजक व प्रवज्या नेपालं व्यवस्थापन याइ। थुकी लुम्बिनी विकास कोष, नेपाल पर्यटन बोर्ड,

धर्मोदय सभा लगायत संघसंस्था ग्वाहालि याइगु जूगु दु। लुम्बिनीयात विश्व शान्ति व आध्यात्मिक केन्द्रया रुपय् प्रचार प्रसार यायेत, मनूतय्के आध्यात्मिक ज्ञान व चेतना अप्वय्केत व लुम्बिनी चाःहिउ वइपिं पर्यटकया ल्याः अप्वय्केगु आज्जु कथं ज्याइवः जुइत्यंगु थाई इण्डिया-नेपाल धर्मदूतया अध्यक्ष भिक्षु थावरं पत्रकार सम्मेलनय् जानकारी बियादिल। भिक्षु थावरया कथं वइगु फागुन २० गते लुम्बिनीइ ल्यं ७ पेजय्

Trendiest Fashion  
At Price You Love

**ufo** the clothing store  
EXPRESS YOUR ATTITUDE

Binod Maharjan  
9841369552, 9808644666

**बि.आर्ट्स**

**B. Arts**

Nayabazar, Kirtipur  
4335491, barts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID)/ Visiting Card
- & all kinds of press works





## नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन  
भीगु लागाय् भी स्वयं हे जः जुया धुन लुइ धुन  
ह्यांगु भुमिइ अष्टमण्डल ह्यांगु चाः दुने थी नगु  
भीगु नेवाः ध्वाँय् थ्व हे खः ज्यान भी सकस्यां छगू  
जातितय् स्वायत्त राज्यं लुइ कपं च्वय् फिलिमिलिं  
राष्ट्र भःभः धाय्क न्ह्याके भीगु चःतिं भीगु हिं

## सम्पादकीय



### सामाजिक संजाल नियन्त्रण अस्वीकार्य

सरकारं सामाजिक संजालया संचालन, प्रयोग व नियमन याय्गु नितिं संसदय् दर्ता याःगु विधेयकयात कयाः प्रारम्भिक चरणय् हे गम्भीर न्ह्यसःत ब्वलंगु दु। यदि थ्व विधेयकय् मौलिक हिउपाः मवल धाःसा थुकिं सामाजिक संजालयात नियमन याइमू बरु नागरिकया संवैधानिक न्ववाय्गु अधिकारयात कृण्ठित याइ। अले थुकिं सुचं व विचाः प्रवाह यानाः सुसूचित समाज निर्माण याइगु प्रेसया व्यावसायिक दायरा कमजोर जुइफु।

विधेयकया दफा १८ नेटवर्कया सञ्चालन, प्रयोग व नियमनया सन्दर्भय् जूसां नं नागरिकया भाषायात नियन्त्रण यायेगु सरकार स्वःगु प्रमाण खः। संविधानया धारा १९ या प्रतिबन्धात्मक दफायात गथे खः अथे यासैं सरकारं थुकिया अःखः सुनां नं न्ववात वा च्वय्गु यातधाःसा प्यदैं कैद व न्यागु लख तका जरिवाना वा निगुलिं सजाय जुइगु व्यवस्था याःगु दु।

थुकिया अर्थ सामाजिक संजालयात नियमन याय्गु नामय् सरकारं थःगु अक्षमतायात कयाः न्ह्यसः तइपिं जनताया सःयात जेल सजाय व जरिवानाया छ्याच्चः बियाः सुम्क तय्गु इच्छा यानाच्चंगु दु। सरकारया आलोचनायात लोकतान्त्रिक व्यवस्थाया कुतः कथं काय्गु यानाच्चंगु इलय् सरकारं थःगु विरुद्धया आलोचनायात अत्यन्त असहिष्णु जुइत स्वयाच्चंगु विधेयकया प्रावधानं स्पष्ट याःगु दु।

नापं नागरिकया अभिव्यक्ति स्वतन्त्रता व प्रेसया संवैधानिक जिम्मेवारीयात बेवास्ता यासैं सामाजिक संजालया छ्यालबुलाय् कडा कानूनी नियम लागू याःगु दु। थुकिं नागरिकया न्ववाय्गु व च्वय्गु संवैधानिक अधिकारया सीमायात स्पष्ट रुपं पार याःगु दुसा उकिया लिसैं सामाजिक संजालय् थ्यंगु प्रेस सामग्रीया बारे सामान्य न्ह्यसः तयाः अपराधया रुपय् काय्फइगु प्रावधानं नं थप याःगु दु।

छुं नं प्रेस सामग्रीयात कयाः छुं न्ह्यसः ब्वलन धाःसा प्रेस काउन्सिलय् उजुरी तय्गु व सन्तुष्ट मजूसा अदालतय् प्रतिकार याय्गु थौं तकया कानूनी अभ्यास दु। तर थ्व विधेयकय् सरकारं गठन याःगु सूचना प्रविधि विभागयात उकिया स्वयां फरक विषयवस्तुयात कयाः न्ह्यसः तःगु जूसा न्यागु लख तक जरिवाना जुइगु व्यवस्था यानातःगु दु। थुकथं सामाजिक संजालय् थ्यंगु छुं नं सामग्रीयात दमन याय्गु नामय् सरकारं फुक्क मुद्दाय् प्रेसय् आर्थिक जरिवानाया डण्डी छ् यलेगु अनुमति बी। समाचार च्वःगु धकाः पत्रकारतय् जेलय् छ्वय्गु कुतः यानाच्चंगु लोकतान्त्रिक धाःम्ह सरकारया थ्व पलाःयात नेपाःया प्रेस समुदायं स्वीकार याय् फइमखु।

विधेयकय् मेगु गम्भीर न्ह्यसः छु धाःसा थुकी 'सार्वभौमसत्ता', 'अखण्डता', 'राष्ट्रिय हित', 'संघीय इकाइ दथुइ सामञ्जस्यपूर्ण सम्बन्ध' थेंज्याःगु व्यापक अर्थ दुगु खंगवःत दुथ्यानाच्चंगु दु। आः विधेयकय् सरकारं थुपिं विषय विरुद्ध ताय्कूगु छुं नं सामग्री सामाजिक संजालय् प्रसार यात धाःसा न्या दै जेल सजाय व न्यागु लख तका जरिवाना जुइगु व्यवस्था याःगु दु।

## लोकतन्त्र सुयागु नितिं ?



### दिलीप शाही “शान्तिचज्जु”

लोकतन्त्र सुयागु नितिं ? थौं थ्व न्ह्यसः ब्वलनाच्चंगु दु। अथे ला लोकतन्त्र उत्पीडनय् लानाच्चपिं जनताया नितिं जुइमाःगु खः। तर नेपालय् लोकतान्त्रिक गणतन्त्र वय्धुंकाः लोकतन्त्र उत्पीडित वर्गया नितिं मखु छुं धनाढ्य व्यापारी वर्गया नितिं जुयाच्चंगु महसुस आम सर्वसाधारण जनतां यानाच्चंगु दु।

लोकतान्त्रिक गणतन्त्रय् सुयां भिं जुयाच्चंगु दुसा राजनीतिक नेतृत्व, धनाढ्य व्यापारी व भ्रष्ट कर्मचारीया जुयाच्चंगु दु। आदिवासी जनजाति, दलित, मिसा, उत्पीडित वर्ग अभि नं थःगु अधिकार पाखे वन्चित जुयाच्चंगु जक मखु उमित माःगु अधिकारय् तकं राज्य हस्तक्षेप याय्गु ज्या जुयाच्चंगु दु। लोकतान्त्रिक गणतन्त्रया सरकारया ज्या सुयागु रक्षा यानाच्चंगु दुसा केवल च्वय् न्ह्यथनापिं वर्गया रक्षा यानाच्चंगु दु। थुकिया ज्वलन्त दसि थौंकन्हय् ताप्लेजुडया मुक्कुमलुड वा धाये पाथिभराय् दय्केत्यंगु केबुलकार खः। मुक्कुमलुड लिम्बु सभ्यताया धरोहर खःसा हिन्दू समुदायं नं थुकियात थःगु आस्थाया प्रतिक कथं काय्गु यानाच्चंगु दु। थनया आदिवासी जनजातिया आस्थाया प्रतिक खः। अथे हे हिन्दू समुदायं नं आस्था तयाः पाथिभराया दर्शन याय्त दैय्दसं वय्गु याः। तर सरकारं व्यापारीया स्वार्थय् मुक्कुमलुडयात व्यापारीक थाय् कथं विकास याय्त स्वयाच्चंगु दु। छुं नं कथंया विकास निर्माण धइगु सम्बन्धित जनताया नितिं जुइमाःगु खः। तर नेपाःया गुलि नं विकासया नामय् ज्या जुयाच्चंगु दु सम्बन्धित जनताया हितया स्वयां नं राजनीतिक नेता व व्यापारिक वर्गया स्वार्थया नितिं विकास जुयाच्चंगु दु। थुकिया ज्वलन्त उदाहरण मुक्कुमलुड खः।

अथे ला सत्तारुढ राजनीतिक नेतातय्सं तर्क यानाच्चंगु केबुलकार दय्कल धाःसा आपालं पर्यटकत वइ गुकिया लिच्वः कथं आर्थिक उन्नति जुइ। स्थानीय रोजगारी अप्वइ आदि इत्यादी खं ल्हाय्गु यानाच्चंगु दु। तर दुवाला स्वय्गु खःसा थुकिया अःखः जुयाच्चंगु दु। थुकिया नितिं मेथाय् तापाक वनेम्वाः यैय् चन्द्रागिरी च्वंगु केबुलकारयात स्वःसा गाः। चन्द्रागिरी केबुलकार दय्केधुंकाः अनया अवस्था छु गथे धकाः स्वय्गु खःसा थुकिं स्थानीय जनता मखु केवलकार कम्पनी जक लवः कयाच्चंगु दु। सुं नं मनू केबुलकार गयाः चन्द्रागिरी डाँडा चाहिउ वनेगु खःसा दकलय् न्हापां अन छुं नं कथंया नसा ज्वलं ज्वनाः वनेमदु। चन्द्रागिरी कम्पनी चाय्कातःगु रेष्टुरेन्टय् नय्माः। थ्व धइगु सर्वसाधारण जनतायात ध्वं ल्हाय्गु ज्या खः। अभि धाय्गु खःसा स्वतन्त्र रुपं थः

यत्थे नय्त्वनेगु अधिकारया हनन खः। व्यापारी क्वःछिउगु भावय् छुं नं कथंया सामान न्याय्माःगु धइगु छगू कथं आर्थिक भ्रष्टाचार नं खः। चन्द्रागिरी केबुलकारय् प्रत्यक्ष रुपं व्यापारी चन्द्र ढकालया लगानी खःसा अप्रत्यक्ष रुपं राजनीतिक पार्टीया नेतातय् लगानी दु धइगु खं सर्वसाधारण जनतां मसिउगु मखु। आः वयाः मुक्कुमलुडय् केबुलकार दयेकेमाः धकाः वकालत यानाच्चपिं नं राजनीतिक नेतात हे खः। थुकी विशेष यानाः नेकपा एमालेया नेतात न्ह्यःने लाः। थुकी विशेष यानाः एमाले नेता योगेश भट्टराई

ज्या याइ धइगु छगू ज्वलन्त उदाहरण थन न्ह्यब्वय्गु जुइ। पाथिभरा केबुलकार दय्केगु नितिं व्यापारीतय्सं गुकथं जनतायात ध्वं लाइ धइगु छगू नमूना खः मुक्कुमलुडय् दय्केत्यंगु केबुलकार। विकासया नामय् जुयाच्चंगु भ्रष्टाचार खः मुक्कुमलुड केबुलकार। केबुलकार दय्केत कम्पनी न्हापां ५९ रोपनी जग्गा न्याःगु खः। उकिया मू मुक्कं ८ लाख तका जक खः। आ केबुलकार दय्केत्यय्का उकियात कयाः हाकनं पुर्नमूल्यांकन (रिभ्यालुसन) याय्गु ज्या जूगु दु। रिभ्यालुसन याय्गु इवलय् ८



चन्द्रागिरी पर्वतया आपालं वन म्हासे यानाः अनया

सौन्दर्य स्यंकाबिउगु दु। गुकिया क्षतिपूर्ति जुइगु

सम्भावना मदु। थ्वहे घटना आ मुक्कुमलुडय् नं

दोहोरे जुइगु सम्भावना आपालं दु। मुक्कुमलुडय्

केबुलकार दय्केगु नितिं व्यापारीतय्सं छु

गज्याःगु ज्या याइ धइगु छगू ज्वलन्त उदाहरण

थन न्ह्यब्वय्गु जुइ।

व फुडलिङ नगरपालिकाय् एमाले पाखे निर्वाचन मेयर आमिर मादेन न्ह्यःने लानाच्चगु दु। गुकिया कारणं यानाः अन सर्वसाधारण जनताया सुरक्षा मखु व्यापारीया सुरक्षा याय्गु ज्या राज्यं यानाच्चंगु दु। केबुलकार कम्पनीया सुरक्षाया नितिं सलंसः सशस्त्र प्रहरी परिचालन जुयाच्चंगु दु। तर स्थानीय जनताया माग कथं केबुलकार दय्केगु ज्या धाःसा दिकेगु स्वयां नं राज्यं दमन हे यानाः जूसां नं केबुलकार दय्केगु ज्या गुगु यानाच्चंगु दु थ्व लोकतन्त्रया उपहास खः।

राज्यया दायित्व सम्बन्धित समुदायया हितया रक्षा याय्गु खः। तर राज्य सम्बन्धित समुदायया हित मखु व्यापारीया हित यानाच्चंगु धइगु चन्द्रागिरी केबुलकारयात स्वःसां गाः। चन्द्रागिरी केबुलकार दय्केगु इवलय् अनया आपालं सरकारी जग्गा चन्द्रागिरी केबुलकार अतिक्रमण याःगु दु। तर सरकारं अज्याःगु अतिक्रमण जूगु जग्गा लित काय्गु पलेसा व्यापारीया स्वार्थ कथं ज्या यानाच्चंगु दु। चन्द्रागिरी पर्वतया आपालं वन म्हासे यानाः अनया सौन्दर्य स्यंकाबिउगु दु। गुकिया क्षतिपूर्ति जुइगु सम्भावना मदु। थ्वहे घटना आ मुक्कुमलुडय् नं दोहोरे जुइगु सम्भावना आपालं दु। मुक्कुमलुडय् केबुलकार दय्केगु नितिं व्यापारीतय्सं छु गज्याःगु

लाखं न्याःगु जग्गा आ २६ करोड १० लाख तका थ्यंक्गु दु। थ्व धइगु तय्यंक राज्यया सम्पत्तिया दोहन खः।

व्यापारीतय्सं थःगु स्वार्थया नितिं छु गज्याःगु ज्या याइ धइगु छगू ज्वलन्त दसु खः मुक्कुमलुड केबुलकार। ८ लाख तकाया जग्गा २६ करोड तका थ्यंकेगु धइगु भ्रष्टाचारया चरम दसु खः। छम्ह व्यापारीया गुकथं धनी जुइ धइगु छगू नमूना नं खः मुक्कुमलुडय् दय्काच्चंगु केबुलकार। लगानी ८ लाख अले उकिया मूल्यांकन २६ करोड। अले थज्याःपिं व्यापारीयात पोसे यानाच्चपिं सुं दुसा राजनीतिक पार्टीत हे खः।

केबुलकार दय्केगु ज्या क्वचाय्वं थुकिया मूल्यांकन गुलि थ्यनी धकाः धाय् फइगु अवस्था आ मदुनि। केबुलकार दय्केत न्याःगु ८ लाख त्गु जग्गा २६ करोड थ्यंगु दु। वयां लिपा केबुलकार दय्केत जुइगु खर्चयात गुलि गुणा भाः थकाइगु खः थ्व अलग तिनि। केबुलकार दय्के क्वचाय्वं कम्पनी याइगु ज्या धइगु सर्वसाधारण जनतायात शेयर मीगु खः। जब सर्वसाधारण जनतां शेयर न्याय्गु ई थ्यनी थुकिया मूल्यांकन गुलि जुइ न्ह्यसः थन हे खः। आः हे २६ करोड थ्यंगु केबुलकार निर्माण सम्पन्न जुइगु इलय् तक ३ अर्ब तइगु खं जुयाच्चंगु दु। छु धात्थें उलि खर्च जुइगु खःला ? न्ह्यसः ब्वलनाच्चंगु दु।







# मिस नेवा: ११४५



1

**Pralisha Shakya**



2

**Ritisha Bajracharya**



3

**Subekshya Shrestha**



4

**Ronisha Maharjan**



9

**Dibina Dangol**



10

**Ramuna Bajracharya**



11

**Shuwashna Shrestha**



12

**Sanskriti Shrestha**



17

**Kunta Shrestha**



18

**Shreeya Manandhar**



19

**Anusha Bajracharya**



20

**Alpa Maharjan**





AL TALENT SHOW

# बहना

२०८१ माघ २२ मंगलवाः

## या ब्वतिकामिपिं



Ruzee Shakya



Rimsha Shrestha



Lumana Maharjan



Prasiddhi Shakya



Shradha Maharjan



Looniva Manandhar



Anushree Shakya



Prashna Shrestha



Rojin Shakya  
Official  
Choreographer



Raju Napit  
Nepal Bhasa  
Instructor



Krisha Maharjan  
Chief  
Co-ordinator



Sakina Maharjan  
Co-ordinator



Timila Maharjan  
Co-ordinator



## डुंगा



दिल कुमारी डंगोल

बाबुराजा !  
वा वःगु इलय् छन्त तसकं लय्ता वः  
मह छम्हं प्याकाः  
मुसुं न्हिलाः छैय् वइ  
लैय् व वं  
भ्वैया डुंगा दयेका म्हिनुम्हंतुं  
वां दयेकाः वया उसाय् स्यंकाः वइ  
खूब रहर याइम्ह छ  
लखय् म्हिता जक हे मन लुधकिम्ह  
पलखया नितिं जूसा  
डुंगा दयेका ब्यु धकाः पिरे यायां  
दयेका मब्यूतले तं क्यनिम्ह छ  
छन्हु,  
वयागु न्ह्यःने हे  
डुंगा दयेका क्यनाः बिया  
वं साप हे ध्यान तयाः  
क्वथीक स्वयाच्चन  
वा वयेवं हे छैया पिलिचाय् च्वना  
प्याक्क प्याक्क हे  
ताः ई तक व हे डुंगा  
नापनापं म्हिताच्चन  
वा वयेगु म्हो जुइवं  
थःथम्ह हे ल्हाःतं संकाः म्हिताः  
थःगु ईच्छा पुवंका च्वनी  
जिं दयेका बियागु व डुंगालिसें  
वं दयेकूगु डुंगा नं  
बडो जतनं दराजय् तइ  
जिं गुलि धया  
बाबुराजा !  
व भ्वैया डुंगा म्हिने म्वाःल  
दराजय् नं तयेमते  
तर थौं  
आकाभाकां खुसिबाः वल  
व खुसि तं चायाः  
छैय् छैय् दुहाँ वल  
दराजय् तयाःतगु व डुंगा ज्वनावन  
लखय् ल्यैल्यै बुइक  
चुइकाः यंकूगु डुंगायात  
स्वयातुं च्वना  
जिपिं निम्ह लिसः तीपिं थें जुया ... !

## जात्रा ! छँ दुनेया, छँ पिनेया



पदम अमात्य

न्हुछेलालया तिरीमयजु  
आशामाया तमंतमं पलाः भाताभाता  
छिनाः, ल्हाः फाताफाता पुइकाः  
क्वथाय् दुहाँ वनाः खापा ड्याम्म

तित । थः कलाःया पहः खनाः व  
वाताहाँ जुया तिनाःहःगु खापा त्वलय्  
जुया स्वयाच्चन। क्वथा दुनें सामान त  
उखेंथुखें वान्ख्वःगु सः तायेदयाच्चन ।  
पलख लिपा व क्वथाय्  
दुहाँ वनाः धाल - 'थ्व छु पहः छंगु  
हाँ! सुथनिसें छुकिया कचकच ?  
जःलाखःलापिन्सं ताःसा छु मधाई ?'  
आशामायां धाल - 'सुनां मस्यू  
छैया खँ । दैय् छकः थःछैय् छैक्वसं छः  
सालाः हइ । थः छैय् मांवां नं थुगुसी  
छकः जात्रा स्वःवा धयाहल । जि नं  
थःछै मवनागु यक्व दये धुकल । थन

मांयात न्यनां म्वाः धयादिल । छु ताल  
खः ? छैया व्यवहार दक्व थः याक्चां  
यायेमाः, जिगु खँया छुं मू मदु । छुं  
धाःसा मताः पहः यात कि गान्धारी थें  
मिखाय् कापः चिनातःम्ह थें, मखम्ह  
थें जुयाबिल ।'  
आशामाया हालातुं च्वन - ' जिं  
जिमि मांयात जि वयेमखु म्वाल धया  
छवये । ' न्हुछेलाल सुम्क न्वं मवाः ।वं  
वया थः मानं धाःगु खँ मज्यु, म्हां धाये  
मफु । व नं अजूचाया च्वन । वया मानं  
थथे छाये धाल धकाः । छैया लकस  
भुलुं च्वनावल ।

## जितः अल्कत्राया सडक तायके मते

रहेना नकर्मी मानन्धर  
(कविताया लायकू)

अल्कत्राया सडक मखु जि  
यत्तालीगु निभालं नायावनीगु  
न्ह्याःबलय् न्ह्याःथेहे यायेज्यूगु

विकासया बजेट सिधयेकेत  
पुईचिंगु घाः प्वः थें  
निकाय नं प्वतु प्वलाः  
हाकनं हाकनं पीच याइगु सडक मखु

गबलें धाःसा गरीब गुरुवाया  
पर्काः फिनातःगु लं थें  
थाय् थासय् है  
मतिइ लू थे ठेकेदारं पर्काः  
गाईजात्रा पह वयेका बीगु  
सडकनं मखु जि

जि ला गुलि लः त्वन उलिहे बलाःम्ह  
ढलानया धिसिलाःगु सडक खः

भेसें वंगु जमिननं  
इकिधिकि मसंक  
म्हाय्लकाय्चां थें घय्सुइ फुम्ह

च्वय् च्वकाय् च्वनाः नं  
प्रकृति नाप सामना याये फुम्ह  
वां दाःसां ह्वमगनीम्ह  
छुं कथंया लखं नं चुइके मफुम्ह  
सुनां उईक संके न्ह्यः  
प्यकः लिफःस्वये माःम्ह  
घाः छकू नं याये फैमखु उइत  
वां हि बाहावइ ।



उलि दृढ संकल्प कया कि  
डण्डिया जालीयात नं  
नया सुकां हितुमतु हिनाः  
स्याःगु सहयानाः छपाता जुयाः  
कँक्रिट,फि व सिमेन्टया मिश्रणनं  
इतःमितः कंक नयूपित्याःम्ह थें नयाः

हजारौं लिटर  
द्र्याकिया लः लुतुमतु लुयाः  
गन्तव्य न्ह्याःवना च्वंम्ह  
लँजुवाः नं लः त्वं थें त्वनाः  
सगरमाथाया किपालुं कयेकाः  
छधी जुयाः च्वनाम्ह  
जि छम्ह देय्या धिसिलाःम्ह  
चेतनशील नागरिक खः ।।।

## न्याफ्वः

## मुक्तक स्वां



सज्जयरज शर्मा

१  
बुलातःगु ईताः खः , च्याइ तिनि छन्हु  
ई नं छन्हु साथ बी , त्याइ तिनि छन्हु  
जिगु दुःखय् गुलि फु, न्ह्यु छ इतिइति  
मचायेकं मिखा व, प्याइ तिनि छन्हु।

२  
निलाच्वंगु नुगः खँ फ्यनेगु गथे खः ?  
छप्रतिया मतिना क्यनेगु गथे खः ?  
मुसुमुसु न्हिला छं सिरपा फ्वन खे  
जिके दुगु नुगःपा ध्यनेगु गथे खः ?

३  
जि जिके मदु  
छंगु दुने नुगलय् दु कि ?  
न्यँ छं एकान्तय्

छंगु थःगु हे सलय् दु कि ?  
उखेथुखे, इतमित कंकक मालाजुया  
ए, यःम्ह यज्जु !

छंगु हे न्ह्यलय् ज्वलय् दु कि ?  
४

छन्हु वइ हँ वः दिं, पिया च्वना जि  
ई न्ह्याना तुं च्वन, दिना च्वना जि  
नया त्वना च्वना हे, जात्रा न्यायेका  
म्वानाया दसु मदु, सिना च्वना जि

५  
सिना सिना म्वाये म्हा जि  
म्वानासु ब्वयेत ग्या जि ?  
जिगु देय् जिगु भाय् तन  
ल्याचाः सुना यात घा जि ।

चिजाः जुजुं  
वनाच्वंगु धरहरा

आर. मानन्धर

तःभुखाय्पतिं  
दकलय् न्हापां दुनी-  
धरहरा !

तःभुखाय्पतिं  
दकलय् न्हापां थनी-  
धरहरा !

छाय् धाःसा  
धरहरा  
शासकया चिं खः  
षडयन्त्रया जगाय्  
भ्रष्टाचारया सामग्रीं  
निर्माण जुयाच्वंगु दु-  
धरहरा !

उकिं शासकतय्थ थ्व  
तसकं प्रिय जुइ  
तसकं आत्मीय ताइ  
उकिं हे  
तःभुखाय्पतिं  
मन्या छँ त्वःताः नं  
शासकतसें हथाहथासं  
न्हापां थंजुइ  
धरहरा निं !

धरहरा  
भुखाय्पा नं प्रिय जुयाच्वनी-  
चाय् मत्वःगु  
फय्या मयःगु  
शहरं म्हमस्यूगु  
केवल षडयन्त्र  
व भ्रष्टाचारं हे जक  
तज्जाः जुयाच्वंगुलिं हे खः  
भुखाचं न्हापां  
धरहरा निं थुनी  
धरहरा निं क्वःथइ  
शासकतसें  
न्ह्याक्व हे घमण्ड याःसां  
तःभुखाय् पतिकं  
धरहरा  
चिज्जाः जुजुं वनाच्वंगु दु  
चिक्वः जुजुं वनाच्वंगु दु !  
ग्व, असभ्य शासकतय्सं  
चाः ला मचाः ला मस्यू ?-  
कोमल कलाया देय् दथुइ  
उदंड थनातःगु  
धरहराया विदूषक आकृतिं  
इमित हे न्हाय् भुइक  
हिस्यानाच्वंगु दु !



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन,  
बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ्ग पनि गरिन्छ ।

हरेक मंगलवार  
राष्ट्रियताको लागि समर्पित

मेरो साप्ताहिक

मेरो साप्ताहिक Mero Saptahik

मालाः मालाः ब्वनादिसँ ।

## किपुली प्लेकार्ड ब्वइगु



भाषाया रुपय् लागू याय्गु नितिं ऐन दय्का कार्यान्वयन जुल धकाः घोषणा याःगु हे गुला दय्धुंकूगु अवस्थाय् नं उकियात लागू मयानाः च्वंगुलिं प्रदेश सरकार, सांसद व दलतय्त दबाव बिइगु नितिं प्लेकार्ड ब्वज्या याय्माःगु खँ मूपाहाँ महर्जनं तयादीगु खः ।

वय्कलं थज्याःगु ज्याइवः आः किपू नगर समितिं जक मखु फुक्क पालिकापाखें व जिल्लां तकं यायेमाः धकाः धयादिसें वय्कलं भाषा ऐन कार्यान्वन यायेमाः, भाषा ऐन कथं विज्ञ पुचः नीस्वनेमाः, भाषा ऐन कथं प्रतिष्ठान नीस्वनेमाः, सुभाब कार्यदलया प्रतिवेदन सार्वजनिक यानाः कार्यान्वयन याय्माःगु नारा च्वया प्रदर्शन याय्माः धकाः धयादीगु खः ।

लहना वाःपौ / नेवाः देय् दबू किपू नगर समितिपाखें वइगु अन्तर ण्ठिय मातृभाषा दिवसया दिं फागुन ९ गते शुक्रवाः बागमती प्रदेश भाषा ऐन कार्यान्वयन याय्माःगु माग यासें प्लेकार्ड प्रदर्शन याइगु जुगु दु ।

देय् दबू स्वनिगः विशेष प्रदेशया नायः श्रीकृष्ण महर्जन नेवाः देय् दबू किपू नगर समितिा निक्वःगु अधिवेशनया उलेज्या यासें मूपाहाँया नुगःखँ तय्गु इवलय् तयादीगु उगु प्रस्तवायात पारित याःगु खः ।

बागमती प्रदेशं नेपालभाषा व तामाङ भाषायात सरकारी कामकाजी

## युनाइटेड क्लबं शहिद लुमंका म्याराथन ज्याइवः



लहना वाःपौ / महालक्ष्मी नगरपालिकाया युनाइटेड क्लबं म्याराथन ज्याइवः तःजिक याःगु दु । उगु ज्याइवलय् मूपाहाँ कथं महालक्ष्मी नगरपालिकाया मेयर हरि गोबिन्द श्रेष्ठं छगु ज्याइवः दथुइ म्याराथन ज्याइवःया उलेज्या यानादीगु खः ।

शहीदपिनिगु सम्मानय् म्याराथन ज्याइवः जुगु खः ।

युनाइटेड क्लबया अध्यक्ष पवन शाहीया सभाध्यक्षताय् जुगु ज्याइवल स्वसः स्वया अप्वः कासामि पिनिगु ब्वति दुगु खः । क्लबं आः वइगु दिं सामाजिक, सांस्कृतिक व कासाया गतिविधियात न अप्वयेकेगु धका धयादीगु खः ।

म्याराथुनय् मिणमर सिन्जी तामाङ न्हाप जुम्हेसित स्वीदः नगद, अजितकुमार यादव ल्यू जुम्हेसित नीदः व नरेन्द्र सिंह रावत ल्यूया ल्यु जुम्हेसित भीदः नगद सिरपा लःल्हागु खः ।

## जैशीदेवल यूथ क्लब फस्ट रनरअप



म्योरोगी), एकेन्द्र बुढाथोकी (स्वर्ण पदक, म्योरोगी), राहुल हाङ्ग लिम्बु (स्वर्णपदक, म्योरोगी), प्रास्ना जोशी (रजत पदक, म्योरोगी), स्यारोन मगर (रजत पदक, म्योरोगी), वितिशा तामाङ (रजत पदक, म्योरोगी), रोशन तामाङ (रजत पदक, म्योरोगी), सामर्थ ध्वज जोशी (काँस्य पदक, म्योरोगी) व प्रसङ्ग शाक्य (काँस्य पदक, पुम्से) त्याकाः क्लबयात फस्ट रनरअफ दय् कूगु खः ।

थ्व स्वयां न्ह्यः क्लबं छगू ज्याइवःया दथुइ क्लबया खेलाडीतय्त विदाइ ज्याइवः याःगु खः । क्लबया अध्यक्ष राजेश प्रजापतिा सभापतित्वय् जुगु ज्याइवलय् यँ महानगरपालिका २१ वडाया अध्यक्ष लिसे मूपाहां उदय चुडामणि वज्राचार्य खेलाडीतय्त वडापाखें ट्याकसुट लःल्हाःगु खः ।

जैशीदेवल तेक्वान्डो डोजाड फस्ट रनरअप जुइत ताःलाःगु दु ।

जैशीदेवल क्लबया खेलाडीपिं रोजेन प्रजापति (स्वर्ण पदक, पुम्से), मुविक्षा गजुरेल (स्वर्ण पदक, पुम्से), सुप्रिया जोशी (स्वर्ण पदक,

रञ्जना लिपिं  
पिहाँ वयाच्वंगु  
रञ्जना लय्पौ  
ब्वनादिसँ/ब्वंकादिसँ



रञ्जना लिपि मासिक

RANJANA LIPI Monthly

लय्पौ

## त्रिरत्नयात लुमंकल

लहना वाःपौ/मदुम्ह साहित्यकार लिसें बौद्धविद्वान त्रिरत्न शाक्ययात थीथी खलः पुचःपाखें लुमंकूगु दु । यँया नेपाः ब्यांक्वेटय् वय्कःयात लुमंकाः बिचाः मुँज्या याःगु खः ।

नेपालभाषा एकेदेमि, नेवाः देय् दबू विराट नेपालभाषा साहित्य सम्मेलन गुथिलिसें थीथी खलः पुचःया मंकाः ग्वसालय् जुगु उगु बिचाः मुँज्याय् मदुम्ह शाक्यं यानादीगु योगदानयात लुमंकूगु खः ।

मदुम्ह शाक्यया लुमन्तिइ छगू मिनेट मौनधारण यानाः न्ह्याकूगु उगु ज्याइवलय् शाक्यया छँजःपाखें वय् कःया किजा प्रदीप शाक्यं मदुम्ह थः दाजु त्रिरत्न शाक्य समग्र रुपं छम्ह विद्रोही जुगु व समाजयात हिलेगु नितिं थःगु जिवंकाःछि पानावंम्ह व्यक्ति जुगु खँ धयादिल ।

अथेहे, ज्याइवलय् साहित्यकार योगेन्द्र प्रधान, न्हूदँ समारोह समितिा नायः राजेन्द्रप्रसाद श्रेष्ठ, नेवाः न्ह्यलुवाः मल्ल के सुन्दर, नेवाः देय् दबूया नायः पवित्र वज्राचार्यलिसें थीथी व्यक्तिपिसं नुगःखँ तयादीगु खः ।

उकथं हे बौद्ध संघ भक्तपुरया नायः मदुम्ह त्रिरत्न शाक्यया लुमन्ति वय्कःया गुणानुस्मरण ज्याइवः जुल । भिक्षु धम्मसोभन महास्थविरं सामुहिक पञ्चशिल प्रार्थना यासें न्ह्याःगु खः ।

## कर्मचारी तहया ...

दय्कीगु कम्पनीया अध्यक्ष नं वय् कः हे खः । ढकालं थ्व स्वयां न्ह्यः यँया चन्द्रागिरीइ केबुलकार दय्कूगु खः । यँय् केबुलकार दय्कूगु थाय् आपालं सार्वजनिक जग्गा लाःगु धासें स्थानीय वासिन्दां विरोध याना वयाच्वंगु खः ।

पाथिभराय् केबुलकार दय्केगु विरोधय् आदिवासी जनजातिया लिसें कोशीइ च्वंगु मधेशवादी राजनीतिक पार्टीतय्सं नं विरोध याःगु दु । उकथं हे नागरिक समाजं नं मंकाः विज्ञापित पिकयाः स्थानीय वासिन्दाया पहिचान मदइ कथं जुइगु विकास निर्माणं समस्या समाधान मजुइगु धासें तत्काल केबुलकार दय्केगु ज्या दिकेमाःगु माग याना वयाच्वंगु दु ।

थ्वहे इवलय् केबुलकार दयेकेत्यंगु विरोधय् यँय् नं प्रदर्शन याइगु जुगु दु । केबुलकार दयेकेगु लिसें मुक्कुमलुङ अतिक्रमणया विरोधय् भिगःनिसे यँया फिब्वख्यलय् सतक नाटक प्रदर्शन याःगु दु । मुक्कुमलुङ ताइसेःप चुम्भो व मुक्कुमलुङ संरक्षण अन्तर्दलीय संघर्ष समितिा ग्वसालय् जुगु ज्याइवलय् ‘सरकार छातीइ गोलीं कयेकाः नं जिमिगु अस्तित्वयात क्वःथले फइ मखु’ धइगु शीर्षकय् नाटक क्यनेगुया लिसें कविता वाचन याःगु खः ।

## लुम्बिनी ...

श्रामणेर याय्गु ज्या न्ह्याइ । श्रामणेर जुइपिं भिन्न्यान्हु तक भिक्षु जुयाः च्वनेमाः ।

थाइल्याण्डया प्रसिद्ध भिक्षु फ्रा फ्रोमसिनावादीया उपाध्याय व अखिल नेपाल भिक्षु महासंघया अध्यक्ष धम्मशोभन महास्थविरया उपस्थितिइ भिक्षु (प्रवजित) याइ । शुकी नेपाःमिया लिसे थाइल्याण्डया नागरिकतय्सं नं ब्वति काइ । वयां लिपा फागुन २२ गते लुम्बिनी परिसरय् भिक्षाटन व फागुन २४ गते लुम्बिनी दीप प्रज्वलन याइ ।

उकथं हे चैत २ गते सुथय् देवदह, बुटवल, रामग्रामय् व न्हिनय् लुम्बिनीइ धम्म यात्रा जुइसा चैत ३ गते ब्वति काःपिंत प्रमाणपत्र इनेगु व चैत ४ व ५ गते कपिलवस्तुइ भिक्षाटन ज्याइवः क्वचाय्वं भिक्षु जूपिं गृहस्थ जीवनय् लिहां वनी ।

उकथं हे ल्यै दनिगु हिं बुद्धया व्यवहारिक, वैज्ञानिक ज्ञान, ध्यान व मैत्री करुण अप्वय्केगु साधना स्यनेगु ज्या जुइगु खँ सामाजिक नेपाःया सचिव भिक्षु पञ्जामूर्ति पत्रकार सम्मेलनय् कनादिल । भिक्षु जुइ न्ह्याःपिसं थ्वहे फागुन १४ गते दुने नां दर्ता याय्फइ । श्रामणेर जुइत गुगुं नं कथंया शुल्क पुलेम्वाः ।

श्रामणेर जुइ न्ह्याःपिसं पुच्वय् च्वंगु अक्षेश्वर महाविहार व लुम्बिनी हलय् नां दर्ता याकेत सम्पर्क केन्द्र क्वःछिनातःगु दु । गुगुं नं समुदाय, देय्पुया इच्छुकपिसं भिक्षु जुइत नां दर्ता याय्फइ । थुकी जात, थरया बन्देज मदुगु खँ नं अखिल नेपाल भिक्षु महासंघया सचिव भिक्षु निग्रोधं कनादिल ।

भिक्षु जुयाच्वंगु इलय् हिं छछाः जक नयेगुया लिसे भिगू विनय नियम पालना याय्माः । भिन्न्यान्हुया दुने ब्वति काःपिं श्रामणेरपिसं भिक्षु जीवनया अनुभूति यासें बुद्धया ज्ञान व दर्शनया आधारभूत विषयसं सैद्धान्तिक व व्यावहारिक ज्ञान कायेफइ । थुकिं गृहस्थ जीवनय् सकारात्मक सोच, शान्ति व तनाव रहित जुयाः जीवन हनेत तिबः बीगु खँ ध्यान गुरु भिक्षु बोधिज्ञान महास्थविरं कनादिल । २०६८ सालय् न्हापांखुसी १११ म्हसित भिक्षु दय्काः न्ह्याकूगु ज्याइवः निरन्तर न्ह्याना वयाच्वंगु दु ।

प्रचलित नेपाललिपिं पिहाँ वयाच्वंगु  
म्हसीका लय्पौ ब्वनादिसँ/ब्वंकादिसँ



महासीका लिपि मासिक

MHASIKA Monthly

म्हसीका मासिक



## नेपालभाषा एकेडेमीया चान्सलर मल्ल के सुन्दर



लहना वाःपौ/नेपालभाषा एकेडेमीया २४ क्वःगु दै मुंज्या व न्ह्यय् क्वःगु तःमुंज्या किपूलिङ जुगु दु। उगु तःमुंज्या चान्सलरय् मल्ल के सुन्दरयात सर्वसम्मत कथं ल्यःगु दु। अथेहे भाइस चान्सलरय्

डा.पुष्पराज राजकर्णिकार, सदस्य सचिवय् महेन्द्रगोपाल कर्माचार्य, दांभरी बीरप्रसाद भंसालीयात ल्यःगु खः। अथेतु, दुजलय् प्रा.प्रेमशान्ति तुलाधर, विजयरत्न असंबरे, शशीकला मानन्धर, राजितबहादुर श्रेष्ठ, विद्या चित्रकार व राजेन्द्रकुमार पुतायात ल्यःगु खः।

ज्यासना पुचः मुंज्यां निर्मल बज्राचार्य, रजनी मिला, शाक्य सुरेन, तुल्सी सायमी व कृष्णभक्त महर्जनयात दुजः व निवर्तमान चान्सलर यज्ञरत्न धाख्वाःयात संरक्षक कथं ल्यःगु दु।

## जनहित महिला समूहं उद्घोषण तालिम

लहना वाःपौ / यंगुबहालया जनहित महिला समूहं ललितपुर महानगरपालिका- ८ वडाया ग्वाहालिङ ७ न्ह्या उद्घोषण तालिम ब्यूगु दु। बाराही भवनय् जुगु थुगु तालिमय् २२ म्हेसिन ब्वति कयादीगु खःसा तालिम प्रशिक्षक सुरजवीर वज्राचार्य बियादीगु खः।

तालिमया समापन समारोहया मूपाहां वडा ८ या नायः बाबुरत्न महर्जन ब्वति कयादीपित दसिपौ लःल्हासें तालिम अति हे आवश्यक जुगु व थुकथंया तालिमया निति वडां मन ह्वय् काः ग्वाहालि याय्गु खँ कनादिल।

ज्याइवलय् वडा ८ या महिला सदस्य लक्ष्मी महर्जन, सदस्य विमला



महर्जनया नं विशेष पाहांकथं ब्वति दुगु खःसा पाहांकथं बाराही समाजया नायः चन्द्रमान बाराही, प्रशिक्षक सुरजवीर वज्राचार्य, यंगुबहाल युवा क्लबया

## जसपा यँ जिल्लापाखे शैक्षिक सामग्री बितरण



लहना वाःपौ/वसन्त पञ्चमी आखः ब्वनिपिन्स सरस्वती छःयात पूजायाना हनिङ्गु दिं खः।

सरस्वती पूजा जुगुलिं जनता समाजवादी पार्टी यँ जिल्लापाखे श्रीघलय् बिद्यार्थीपिन्त शैक्षिक सामग्री लःल्हाःगु दु।

जसपा पार्टी यँ जिल्ला नायः श्रृजनमान श्रेष्ठं मस्तयस आखः ब्वनेगु सुरु याइगु दिं कथं काइगु थ्व दिं बांलाःगु दिं जुगुलि बिद्यार्थीपिन्त शैक्षिक सामग्री लःल्हायेगु ज्या यानागु खः धयादीगु खः।

**भर्ना चाल**  
**ADMISSION OPEN**

**प्ले ग्रुप व नर्सरी**

**माधुन नयाः स्कूल**  
Modern Newa English School  
PO Box 4357, Durbar Marg, Kathmandu  
Tel : 4249350, Email: newaschool@gmail.com  
Website: www.newaschool.com.np

### संस्कृति र साँस्कृतिक सम्पदाको संरक्षण गरौं

- संस्कृति र साँस्कृतिक सम्पदा हाम्रा पहिचान हुन्, यिनीहरूको संरक्षण गर्नु हाम्राँ दायित्व हो,
- साँस्कृतिक विविधता बीच एकता कायम राखौं,
- साँस्कृतिक धरोहरहरूको प्रचारप्रसार र सुरक्षा गरौं,
- सम्पदा वरिपरि सफा राखी सभ्य समाज निर्माण गरौं,
- सामाजिक मेलमिलाप र भाइचारा कायम राखौं,
- साँस्कृतिक सम्पदाको संरक्षण र सम्मानमा हातेमालो गरौं।



**नेपाल सरकार**  
**विज्ञापन बोर्ड**

**छत्रपाटी निःशुल्क चिकित्सालय (अस्पताल)**

**उपलब्ध सेवा**

**२४सै घण्टा सेवा**

- ईमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

**शल्यक्रिया**

- मोतिबिन्दु
- ज्वरत त्वरी
- नाक काट घाँटी सम्बन्धि
- हाडजोर्नी तथा नसा सम्बन्धि
- शिवा विरकार पिताइ मसीको पत्थर सम्बन्धि

**बहिरङ्ग सेवा**

- मुटु रोग
- पेट रोग
- यूरोलोजी
- स्त्री रोग
- बाल रोग
- कवाल्बर रोग
- दन्त रोग
- आँखा रोग
- जलरोग मेडिसिन
- धनं तथा यौन रोग
- नाक काट घाँटी रोग
- जलरोग हेल्थ चेक अप
- बाइरोइड
- मधुमेह

**मेमेमू सेवा**

- ड्रेसिङ
- इण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, क्लर इन्फर र इको
- यूरोलोजी स्तरको दन्त प्रयोगशाला
- टिएम.टी. हल्टर

**२४ घण्टा**  
**ईमरजेन्सी सेवा**

**७०८ गंगालाल मार्ग, छत्रपाटी, काठमाडौं, फोन: ५३९६९३८, ५३५७९९९, ५३६६२२९**